

"মিষ্টি বাচ্চারা -- এই অনাদি ড্রামা পূর্ব-নির্ধারিত, এ অত্যন্ত সঠিকভাবে রচিত হয়েছে। বাচ্চারা, তোমরা এর পাস্ট, প্রেজেন্ট আর ফিউচার-কে খুব ভালভাবে জানো"

প্রশ্ন:- কোন আকর্ষণের উপর ভিত্তি করে (আধারে) সকল আত্মারা তোমাদের কাছে আকৃষ্ট হয়ে আসবে?

উত্তর:- "পবিত্রতা" আর যোগের" আকর্ষণের উপর ভিত্তি করে। এর মাধ্যমেই তোমাদের বৃদ্ধি হতে থাকবে। ভবিষ্যতে বাবাকে অতি শীঘ্র জেনে যাবে। যখন তারা দেখবে যে, এত অগণিত সংখ্যক আত্মারা উত্তরাধিকার (বর্সা) নিচ্ছে তখন অনেকেই আসবে। যত সময় অতিবাহিত হবে ততই তোমাদের প্রতি আকৃষ্ট হতে থাকবে।

ওম্ শান্তি। আধ্যাত্মিক (রুহানী) বাচ্চাদের এ তো জানা রয়েছে যে, আমরা অর্থাৎ আত্মারা পরমধাম থেকে আসি -- একথা বুদ্ধিতে তো রয়েছে, তাই না। যখন প্রায় সকল আত্মাদের আসা সম্পূর্ণ হয়ে যায়, আর বাকি কিছু অল্পসংখ্যক থাকে, তখন বাবা আসেন। বাচ্চারা, এখন তোমাদের কাউকে বোঝানো অতি সহজ। দূরদেশ-নিবাসী আসেন সবশেষে। বাকি সেখানে অল্পসংখ্যক থেকে যায়। এখনও পর্যন্ত বৃদ্ধি তো হচ্ছেই, তাই না। তোমরা এও জানো যে -- বাবাকে তো কেউ জানেই না তাহলে তারা রচনার আদি-মধ্য-অন্তকে কিভাবে জানবে ! এ হলো অসীম জগতের ড্রামা, তাই না। একে(ড্রামাকে) তো ড্রামার অ্যাক্টরদের জানা উচিত। যেমন পার্থিব জগতের অভিনেতারাও (স্থূল ড্রামাকে) জানে যে -- অমুকে-অমুকে এই পার্ট পেয়েছে। যে জিনিস অতীত হয়ে যায় তারই পুনরায় ছোট নাটক তৈরি হয়। ভবিষ্যতের ড্রামা তো কেউ বানাতে পারবে না। যা পাস্ট হয়ে গেছে সেখান থেকে নিয়ে আর কিছু কাহিনী সৃষ্টি করেও ড্রামা তৈরী করা হয়, সেটাই সকলকে দেখানো হয়। ভবিষ্যত-কে তো কেউ জানেই না। এখন তোমরা জানো যে, বাবা এসেছেন, স্থাপনা হচ্ছে, আমরা উত্তরাধিকার পাচ্ছি। যারা-যারা আসে, তাদের আমরা রাস্তা বলে দিই -- দেবী-দেবতা পদ পাওয়ার। এই দেবতার। এত উচ্চ (পদাধিকারী) কীভাবে হয়েছে ? সেটাও কারও জানা নেই। বাস্তবে আদি সনাতন তো দেবী-দেবতা ধর্মই। নিজেদের ধর্মকে ভুলে যায় তখন বলে -- আমাদের কাছে তো সব ধর্মই সমান।

বাচ্চারা, এখন তোমরা জানো, বাবা আমাদের পড়াচ্ছেন। বাবার ডায়রেকশনেই চিত্রাদি তৈরী করা হয়। বাবা দিব্য-দৃষ্টির দ্বারা চিত্র তৈরী করাতেন। কেউ আবার নিজের বুদ্ধির দ্বারাও তৈরী করতো। বাচ্চাদের এও বোঝানো হয়েছে যে, একথা অবশ্যই লেখো, পার্টধারী অ্যাক্টররা তো রয়েছে কিন্তু ক্রিয়েটর, ডাইরেক্টর ইত্যাদিকে কেউই জানে না। বাবা এখন নতুন ধর্ম স্থাপনা করছেন। পুরানোর থেকেই নতুন দুনিয়া তৈরি হয়। একথাও বুদ্ধিতে থাকা উচিত। বাবা পুরানো দুনিয়ায় এসেই তোমাদের ব্রাহ্মণ বানান। ব্রাহ্মণই পুনরায় দেবতা হবে। দেখো, যুক্তি কত ভালো (সঠিক)। অবশ্যই এ হলো অনাদি, পূর্ব-নির্ধারিত ড্রামা, কিন্তু অত্যন্ত সঠিকভাবে রচিত। বাবা বলেন, প্রতিদিন তোমাদের অতি গুপ্ত রহস্যময় কথা শোনাই। বাচ্চারা, যখন বিনাশ শুরু হবে তখন তোমরা অতীতের সমগ্র ইতিহাস জানতে পারবে। যখন সত্য যুগে যাবে তখন পাস্টের কোনো হিস্ট্রিই স্মরণে থাকবে না। তখন তোমরা প্র্যাক্টিকাল ভূমিকা পালন কর। অতীত কাকে শোনাতে ? এই লক্ষ্মী-নারায়ণ তাঁদের পাস্টকে একটুও জানে না। তোমাদের বুদ্ধিতে পাস্ট, প্রেজেন্ট, ফিউচার সবকিছু আছে -- কিভাবে বিনাশ হবে ? কিভাবে রাজধানী তৈরী হবে ? কিভাবে প্রাসাদ তৈরী হবে ? হবে তো অবশ্যই, তাই না। স্বর্গের দৃশ্যাবলীই সম্পূর্ণ আলাদা। যেমন-যেমন ভূমিকা পালন করতে থাকবে, তেমন-তেমনভাবে জানতে থাকবে। একে বলা হয় -- বিনা কারণে রক্তপাত। অযৌক্তিক ক্ষতি হয়ে যায়, তাই না। যখন ভূমিকম্প হয় তখন কত ক্ষতি হয়ে যায়। বোমা ফেলা হয়, এ তো অযৌক্তিক, তাই না। কেউ কিছু কি করে, না করে না। বিশাল বুদ্ধির যে হয়, সে বোঝে যে, বিনাশ অবশ্যই হয়েছিল। অবশ্যই মারামারি হয়েছিল। এমন খেলাও (ড্রামা) তৈরি করে। একথা তো বুঝতেও পারে। কোনসময় কারও বুদ্ধিতে টাচ হয়ে যায়। তোমরা তো প্র্যাকটিক্যালি এখন রয়েছে। তোমরা সেই রাজধানীর মালিক হও। তোমরা জানো যে, এখন সেই নতুন দুনিয়ায় অবশ্যই যেতে হবে। ব্রাহ্মণ যারা হয়, যখন ব্রহ্মার কাছে বা ব্রহ্মাকুমার-কুমারীদের কাছে নলেজ নেয়, তখন সেখানে আসে। কিন্তু থাকে তো তারা নিজেদের ঘর-গৃহস্থীতেই, তাই না। অনেককে তো তোমরা জানতেই পারো না। সেন্টার গুলোতে কতো মানুষ আসে। এতজনকে কি স্মরণে রাখা যায়, না যায় না। কত ব্রাহ্মণ, বৃদ্ধি হতে-হতে অগণিত হয়ে যাবে। সঠিক হিসেব বের করা যাবে না। রাজা কি জানে, না জানে না যে -- আমার প্রজার সংখ্যা সঠিক কত? অবশ্যই আদমসুমারি (লোকগণনা) ইত্যাদি বের করে, তথাপি পার্থক্য তো থেকেই যায়। এখন তুমিও স্টুডেন্ট, এও

স্টুডেন্ট। সব ভাইদেরই (আত্মাদের) স্মরণ করতে হবে --- অদ্বিতীয়(এক) পিতাকে। ছোট বাচ্চাদের-কেও শেখানো হয় যে -- 'বাবা-বাবা' বলো। এও তোমরা জানো যে, তোমরা যত (উন্নতির দিকে) এগিয়ে যাবে, মানুষ আসবে এবং তৎক্ষণাৎ বাবাকে চিনে যাবে। যখন দেখবে, এত-এতসংখ্যক উত্তরাধিকার প্রাপ্ত করছে, তখন অনেকেই আসবে। যত দেরী হবে, তত তোমাদের প্রতি আকর্ষণ বাড়তে থাকবে। যত পবিত্র হবে, ততই আকর্ষণীয় হয়ে উঠবে। যত যোগে থাকবে ততই আকর্ষণীয় হবে, অন্যদেরকেও আকৃষ্ট করতে পারবে। বাবাও তো আকর্ষণ করেন, তাই না। অনেক বৃদ্ধি হতে থাকবে। তারজন্য যুক্তিও রচনা করা হচ্ছে। গীতার ভগবান কে ? কৃষ্ণকে স্মরণ করা তো অতি সহজ। তিনি তো সাকার-স্বরূপে রয়েছেন, তাই না। নিরাকার পিতা বলেন, মামেকম্ (একমাত্র আমাকেই) স্মরণ কর -- এই কথার উপরেই সবকিছু নির্ভর করছে(ভিত), তাই বাবা বলেছিলেন যে, এই কথা সকলকে লেখাতে থাকো। যখন বড়-বড় লিস্ট তৈরী করবে তখন মানুষেরা জানতে পারবে।

তোমরা ব্রাহ্মণরা যখন পাকাপাকিভাবে নিশ্চয়বুদ্ধিসম্পন্ন হবে, তখন বৃক্ষ (কল্প বৃক্ষ)) বৃদ্ধিপ্রাপ্ত হতে থাকবে। মায়ার তুফানও শেষপর্যন্ত চলবে। বিজয়প্রাপ্ত করে নিলে, তখন না পুরুষার্থ থাকবে, না মায়া থাকবে। স্মরণেই অনেকে পরাজিত হয়। যত তোমরা যোগে শক্তিশালী হবে, তখন আর পরাজিত হবে না। এই রাজধানী স্থাপিত হচ্ছে। বাচ্চাদের নিশ্চয়তা রয়েছে যে, আমাদের রাজত্বকাল আসবে তখন আমরা হীরে-জহরৎ কোথা থেকে নিয়ে আসব! খনি কোথা থেকে আসবে ? এইসব তো সত্যিই ছিল, তাই না। এতে বিভ্রান্ত হওয়ার কথা তো নয়। যা হবে তা বাস্তবে দেখতে পাবে। স্বর্গ তো অবশ্যই তৈরী হবে। যারা ভালভাবে পড়ে, তাদের এই নিশ্চয়তা থাকবে যে, ভবিষ্যতে আমরা গিয়ে ওখানে প্রিন্স হবো। ওখানে হীরে-জহরতের রাজপ্রাসাদ থাকবে। এই নিশ্চয়তাও সার্ভিসেবল বাচ্চাদের থাকবে, যারা নিম্নপদাধিকারী হবে, তাদের কখনো এমন-এমনধরনের চিন্তাও আসবে না যে আমরা প্রাসাদাদি কীভাবে বানাবো। যারা খুব ভালোভাবে সার্ভিস করবে তারাই তো মহলে যাবে তাই না। দাস-দাসী তৈরি হয়েই থাকবে। সার্ভিসেবল বাচ্চাদের এমন-এমনধরনের খেয়াল আসবে। বাচ্চারাও জানে যে, কারা কারা ভালো সার্ভিস করবে। আমরা তো শিক্ষিতদের বোঝা টানবো অর্থাৎ তাদের দাস-দাসী হবো। যেমন এই বাবা (ব্রহ্মা), বাবার তো খেয়াল থাকে, তাই না। বৃদ্ধ আর বালক সমান হয়ে গেছে তাই এঁনার অ্যাক্টিভিটিও শৈশবের মতন হয়ে গেছে। বাবার ভূমিকা তো এক -- বাচ্চাদের (জ্ঞান) পড়ানো আর (যোগ) শেখানো। বিজয়মালার দানা হতে গেলে, পুরুষার্থও অনেক করতে হবে। অনেক মিষ্টি হতে হবে। শ্রীমতে চলতে হবে তবেই উচ্চস্থানাধিকারী হবে। এ তো বুঝবার মতন বিষয়, তাই না। বাবা বলেন, আমি যা শোনাই তার উপর বিচার করো। ভবিষ্যতে তোমাদের আরও সাক্ষাৎকার হতে থাকবে। যত নিকটে আসবে তত স্মরণে আসতে থাকবে। নিজেদের রাজধানী ছেড়ে এসেছ, ৫ হাজার বছর হয়ে গেছে। ৮৪ জন্মের চক্রও পরিক্রমা করে এসেছ। যেমন ভাস্কো-ডা-গামার উদ্দেশ্যে বলা হয় যে -- ওয়ার্ল্ড পরিক্রমণ করেছিল। আমরা এই ওয়ার্ল্ডে ৮৪ জন্ম পরিক্রমা করেছি। ওই ভাস্কো-ডা-গামা তো একজনই, তাই না। ইনিও তো এক, যিনি তোমাদের ৮৪ জন্মের রহস্য বোঝান। রাজবংশীয় পরম্পরা চলে। তাই নিজেদের অন্তরে দেখতে যে -- আমাদের মধ্যে কোন দেহ-অভিমান নেই তো ? পালিয়ে যায় না তো ? কোথাও ব্রষ্ট (অপবিত্র) হয়ে যায় না তো ?

তোমরা যোগে থাকবে, শিববাবাকে স্মরণ করতে থাকবে তাহলে তোমাদের কেউ (মায়া) থাপ্পড় ইত্যাদি মারতে পারবে না। যোগবলই তোমাদের সুরক্ষাকবচ (ঢাল)। কেউ কিছু করতেই পারবে না। যদি কেউ আঘাত পায় তবে তার অবশ্যই দেহ-অভিমান আছে। দেহী-অভিমানীকে কেউ আঘাত করতে পারে না। ভুল নিজেরই হয়। বিবেক একথা বলে যে, দেহী-অভিমানীকে কেউ কিছু করতে পারবে না তাই দেহী-অভিমানী হওয়ার প্রচেষ্টা করা উচিত। সকলকে খবর দিতে হবে। ভগবানুবাচ, "মন্মনাভব" । কোন্ ভগবান ? বাচ্চারা, এও তোমাদের-কেই বোঝাতে হবে। ব্যস, এই একটি কথাতেই তোমাদের বিজয় হবে। সমগ্র দুনিয়ায় মানুষের বুদ্ধিতে কৃষ্ণ ভগবানুবাচই রয়েছে। যখন তোমরা বোঝাও তখন বলে যে -- একথা তো একদম সত্য। যখন সম্পূর্ণ তোমাদের মতো করে বুঝবে তখন বলবে যে, বাবা যা শেখায় সেটাই সঠিক। কৃষ্ণ কী বলবে, না বলবে না যে -- আমি এমন, আমাকে কেউ জানতেই পারে না। কৃষ্ণকে তো সকলেই জেনে যাবে। এমনও নয় যে, কৃষ্ণের শরীরে এসে ভগবান বলেন। না, কৃষ্ণ তো সত্যযুগেই থাকে। সেখানে ভগবান কি করে আসবে ? ভগবান তো আসেই পুরুষোত্তম সঙ্গমযুগে। বাচ্চারা, তাই তোমরা অনেকে লেখাতে থাকো। তোমাদের একটি বড় বই ছাপানো উচিত, তাতে যেন সকলের মতামত লেখা থাকে। যখন দেখবে যে, এখানে তো এত-এতজন সকলেই লিখেছে তখন নিজেও লিখবে। তখন তোমাদের কাছে অনেকের (মতামত) লেখা হয়ে যাবে যে -- গীতার ভগবান কে ? উপরেও যেন লেখা থাকে যে, সর্বোচ্চ হলেন বাবা-ই, কৃষ্ণকে সর্বোচ্চ বলা যাবে না। তিনি কখনো বলতে পারেন না যে, মামেকম্ স্মরণ কর। ব্রহ্মার থেকেও উচ্চ থেকে উচ্চতম হলেন ভগবান, তাই না। মুখ্যকথাই হলো এটা, এতেই সকলে সর্বস্বান্ত

(বাবাকে না জানার কারণে অনাথ, দেউলিয়া) হয়ে যায়।

বাবা কখনো বলেন না যে, এখানে বসে থাকতে হবে। না, সত্গুরু-কে নিজের করে নিয়ে পুনরায় নিজ-ঘরে গিয়ে থাকো। শুরুতে তোমাদের ভাট্টী হতো। শাস্ত্রেও ভাট্টির কথা রয়েছে কিন্তু ভাট্টী কাকে বলা হয় তা কেউ জানে না। ভাট্টী হয় ইটের। তাতে কোন-কোনটা পাকা, কোন-কোনটা আধ-পাকা বেরোয়। এখানেও দেখো -- সোনা নেই, আছে পাথর-মাটির টুকরো। পুরানো জিনিসের (অ্যান্টিক) মূল্য অপরিমিত। শিববাবা, দেবতাদের মান-সম্মান আছে, তাই না। সত্যযুগে তো মান-সম্মানের কোন কথাই নেই। ওখানে কি পুরানো জিনিস বসে কেউ খোঁজে, না খোঁজে না। ওখানে পেট ভর্তি (সর্বপ্রাপ্তি) থাকে। খোঁজ করার প্রয়োজনই থাকে না। তোমাদের খনন করার প্রয়োজনই নেই, দ্বাপরের পর থেকে খননকার্যাদি শুরু হয়। ঘর-বাড়ী যখন বানায়, (খুঁড়তে গিয়ে) কিছু বেরিয়ে আসে তখন মনে করে যে, নীচে কিছু রয়েছে। সত্যযুগে তোমাদের কোনো চিন্তা থাকে না। ওখানে তো সোনা-ই সোনা (অগাধ সোনা)। ইটও সোনার। কল্প-পূর্বে যা হয়েছিল, যা নির্ধারিত তারই সাক্ষাৎকার হয়। আত্মাদের আহ্বান করা হয়, এও ড্রামায় পূর্ব-নির্ধারিত। এতে বিভ্রান্ত হওয়ার প্রয়োজন নেই। প্রতি সেকেন্ডের(সেকেন্ড বাই সেকেন্ড) ভূমিকা(পার্ট) পালিত হয়, পুনরায় নুপ্ত হয়ে যায়। এ হলো পঠন-পাঠন। ভক্তিমার্গে অনেক চিত্র রয়েছে। তোমাদের এই চিত্র সবই অর্থপূর্ণ। কোনো চিত্রই অর্থহীন নয়। যতক্ষণ না পর্যন্ত তোমরা কাউকে বোঝাবে, ততক্ষণ পর্যন্ত কেউ-ই বুঝতে পারে না। একমাত্র বাবা-ই বুদ্ধিমান, নলেজফুল, যিনি (নলেজ) বোঝান। এখন তোমরা ঈশ্বরীয় মত পেয়েছ। তোমরা হলে ঈশ্বরীয় বংশ বা কুলের। ঈশ্বর এসে বংশ বা কুল স্থাপন করেন। এখন তোমাদের রাজ্যাদি কিছুই নেই। রাজধানী ছিল, এখন নেই। দেবী-দেবতা ধর্ম অবশ্যই ছিল। সূর্যবংশীয়-চন্দ্রবংশীয় রাজত্ব অবশ্যই রয়েছে, তাই না। গীতার দ্বারা ব্রাহ্মণ কুল স্থাপিত হয়, সূর্যবংশীয়-চন্দ্রবংশীয় কুলও স্থাপিত হয়। এছাড়া অন্য কেউ-ই হতে পারে না। বাচ্চারা, তোমরা সৃষ্টির আদি-মধ্য-অন্তকে জেনে গেছো। পূর্বে মনে করতো যে -- বড় প্রলয় হয়। পরে দেখানো হতো, সাগরে অশথ পাতার উপর কৃষ্ণ ভেসে আসে। প্রথম নম্বরে তো কৃষ্ণই আসে, তাই না। এছাড়া সাগরের কোনো কথা নেই। বাচ্চারা, এখন তোমাদের বোধবুদ্ধি অত্যন্ত ভালো হয়ে গেছে। খুশীও তাদেরই হবে যারা আধ্যাত্মিক পড়াশোনা ভালভাবে করে। যারা ভালভাবে পড়ে তারাই পাস উইথ অনার হয়। যদি কারোর সঙ্গে প্রেম হয়ে যায়, তখন পড়ার সময়ও সে স্মরণে আসতে থাকবে। বুদ্ধি সেখানেই চলে যাবে, তাই পড়াশোনা সর্বদা ব্রহ্মচর্য অবস্থাতেই হয়। বাচ্চারা, এখানে তোমাদের বোঝান হয় যে, একমাত্র বাবা ব্যতীত আর কোথাও যেন বুদ্ধি না চলে যায়। কিন্তু জানে যে, অনেকেরই পুরানো দুনিয়া স্মরণে চলে আসে। পুনরায় এখানে বসেও শোনেই না। ভক্তিমার্গেও এমন হয়। সতসঙ্গে বসেও বুদ্ধি কোথায়-কোথায় পালিয়ে যায়। এ তো অনেক বড় কঠিন পরীক্ষা। কেউ তো যেন বসে আছে কিন্তু শুনছে না। অনেক বাচ্চারা তো খুশীও হয়। বাবার সম্মুখে বসে খুশীতে দুলতে থাকে। বুদ্ধি যদি বাবার সঙ্গে থাকে তাহলে অন্তিম সময়ে যেমন মতি হবে, তেমনই গতি হবে। এরজন্য পুরুষার্থ অত্যন্ত ভালভাবে করতে হবে। এখানে তোমরা অগাধ ধন প্রাপ্ত কর। *আচ্ছা!*

মিষ্টি মিষ্টি হারানিধি বাচ্চাদের প্রতি মাতা-পিতা বাপদাদার স্মরণের স্নেহ-সুমন আর সুপ্রভাত। আত্মাদের পিতা তাঁর আত্মা-রূপী বাচ্চাদেরকে জানাচ্ছেন নমস্কার।

ধারণার জন্যে মুখ্য সার:-

১) বিজয়মালার দানা হওয়ার জন্য অত্যন্ত ভালোভাবে পুরুষার্থ করতে হবে, অত্যন্ত মিষ্টি হতে হবে, শ্রীমতানুসারে চলতে হবে।

২) যোগই হলো সুরক্ষাকবচ (ঢাল) সেইজন্য যোগবল জমা করতে হবে। দেহী-অভিমানী হওয়ার জন্য পুরোপুরি প্রচেষ্টা করতে হবে।

বরদান:- প্রত্যেক সঙ্কল্প, বাণী আর কর্মকে ফলপ্রসূ করা আধ্যাত্মিক প্রভাবশালী ভব*

ব্যখ্যা :- যখনই কারও সম্বন্ধ-সম্পর্কে আসবে তখন তাদের প্রতি মনের স্নেহ, সহযোগ আর কল্যাণের ভাবনা যেন প্রভাবশালী (শক্তিশালী) হয়। প্রতিটি বাণী যেন কাউকে শক্তি, উৎফুল্লতা প্রদান করার মতো প্রভাবশালী হয়। সাধারণ বার্তালাপেই যেন সময় অতিবাহিত না হয়ে যায়। ঠিক তেমনই প্রতিটি কর্ম যেন ফলদায়ক হয় --- তা সে স্ব-প্রতিই হোক বা অন্যের প্রতিই হোক। পরস্পরের প্রতিও প্রতিটি স্বরূপে প্রভাবশালী হও। সেবাতেও আধ্যাত্মিক-রূপে প্রভাবশালী হও তবেই বাবাকে প্রত্যক্ষ করার মধ্যম হতে পারবে।

স্লোগান:- এমন শুভচিন্তক-মণী হও, যাতে তোমার কিরণ বিশ্বকে আলোকিত করতে পারে।*

অব্যক্ত স্থিতির অনুভব করার জন্য বিশেষ হোম-ওয়ার্ক

মনের একাগ্রতাই একরস স্থিতির অনুভব করাবে। একাগ্রতার শক্তি দ্বারা অব্যক্ত ফরিস্তা স্থিতির সহজ অনুভব করতে পারবে। একাগ্রতা অর্থাৎ মনকে যেখানে চাও, যেমন ভাবে চাও, যতটা সময় চাও, ততটা সময় একাগ্র করে নাও। মন যেন বশে থাকে।